



Broj: [REDACTED]/2025

Datum: 05.02.2025.godine

Na osnovu člana 26. stav (6) tačka d) Zakona o slobodi pristupa informacijama na nivou institucija Bosne i Hercegovine („Službeni glasnik BiH”, broj 61/23), te člana 193. stav (1), a u vezi sa članom 197. stav (3) Zakona o upravnom postupku („Službeni glasnik BiH”, br. 29/2, 12/4, 88/07, 93/09, 41/13 i 53/16), rješavajući po zahtjevu za slobodan pristup informacijama [REDACTED], podnesen putem emaila: [REDACTED], direktor Agencije za identifikacione dokumente, evidenciju i razmjenu podataka Bosne i Hercegovine donosi

RJEŠENJE

Zahtjev za pristup informacijama od 21.01.2025.godine, koji je podnio [REDACTED] odbija se.

Образложење

Agencija za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) je zaprimila 21.01.2025.godine, zahtjev za slobodan pristup informacijama koji je podnio [REDACTED], [REDACTED], da mu se u skladu sa Zakonom o slobodi pristupa informacijama na nivou institucija Bosne i Hercegovine (u daljem tekstu: ZOSPI) dostave podaci o broju registrovanih vozila na području općine Tešanj za period od 2000. godine do dana podnošenja ovog zahtjeva, razvrstani po godinama, razdvojeno za teretna i putnička vozila, a koji su mu potrebni za pripremu javne nabavke i planiranje ulaganja u putnu infrastrukturu.

Razmatranjem predmetnog zahtjeva, utvrđeno je da su ispunjeni uslovi da se, u skladu sa članom 26. stav (6) tačka d) a u vezi sa članom 25. stav (1) Zakona o slobodi pristupa informacijama na nivou institucija Bosne i Hercegovine („Službeni glasnik BiH”, broj 61/23) odbije pristup traženim informacijama koje su u posjedu Agencije.

Ističemo da Agencija, pored dostavljanja informacija u skladu sa odredbama ZOSPI-ja, ima veliki broj nadležnosti utvrđenih ostalim zakonskim i podzakonskim aktima, te ima ograničene ljudske resurse i vrlo kratke rokove za obavljanje poslova iz svoje osnovne nadležnosti. S tim u vezi, važno je napomenuti da podnošenjem većeg broja istovrsnih zahtjeva za dostavljanje istih ili istovrsnih informacija, dolazi do opterećenja rada institucije i to iz razloga posebne organizacije rada i preraspodjele rada zaposlenih u Agenciji, koji svaki put treba da obezbijedi sve tražene podatke, što predstavlja nemogućnost ispunjavanja redovnih radnih obaveza uposlenih. Analizirajući sve relevantne okolnosti jasno je da su ispunjeni uslovi za donošenje odluke kao u dispozitivu.

Pouka o pravnom lijeku:

Protiv ovog rješenja može se izjaviti žalba Žalbenom vijeću pri Vijeću ministara BiH, u roku od 15 dana od dostavljanja istog.

Dostavljeno:

- [REDACTED]
- U spis predmeta



X

DIREKTOR

Prof. dr. Almir Badnjević

Signed by: Almir Badnjević / potpisano / digitally signed

Ivana Franje Jukića 2, 78000 Banja Luka
Tel: + 387 51 340 170
Fax: + 387 51 340 180



Ивана Фрање Јукића 2, 78000 Бања Лука
Тел: + 387 51 340 170
Факс: + 387 51 340 180